



საგარეო საეკლესიო ურთიერთობების განყოფილება
 მოსკოვის საპატრიარქო

მოსკოვისა და სრულიად რუსეთის პატრიარქ კირილეს საშობაო ეპისტოლე



მოსკოვისა და სრულიად რუსეთის პატრიარქ კირილეს

სააღდგომო ეპისტოლე

მწყემსმთავრებს, მწყემსებს, დიაკვნებს, მონოზვნებს და რუსეთის მართლმადიდებელი
 ეკლესიის ყველა ერთგულ შვილს

უფლის მიერ საყვარელნო ყოვლადუსამღვდელოესნო
 მწყემსმთავრებო, ყოვლადპატიოსანნო მღვდლებო და დიაკვნებო, ღვთისმოყვარე ბერ-მონა
 ზვნებო, ძვირფასო ძმებო და დებო!

ქრისტე აღდგა!

ადამიანური ენის მთელს სიმდიდრესა და მრავალფეროვნებაში არ არსებობს უფრო

სასიხარულო და სასურველი სიტყვები მორწმუნე გულისთვის, ვიდრე არის სიცოცხლის სიკვდილზე და სიკეთის ბოროტებაზე მიღწეული გამარჯვების ეს დამაჯერებელი მოწმობა.

„ქრისტე აღდგა!“ – ამ სასიხარულო უწყებაში ფოკუსირებულია იმედის იღუმალი ძალა და რწმენის უდიდესი სასოება, რომლითაც ადამიანები ცხოვრობენ სამოთხიდან გამოძევების დროიდან. ჩვენ ვცხოვრობდით პატიების, შერიგებისა და განთავისუფლების მოლოდინით, მაგრამ უფალმა შეუდარებლად მეტი მოგვცა, რამეთუ თავისი სიყვარულით **ღმერთმან ჩუენთვის უმჯობესი წინასწარ განიგულა** (ებრ. 11:40).

ძე ღვთისა ქვეყნად მოვიდა და გახდა ადამიანი, ჩვენთან ერთად გაიზიარა მინიერი ყოფის ყველა სიმძიმე და ბოლომდე შესვა ტანჯვის თასი, მათ შორის ყველაზე მწარე – სიკვდილის თასი. **კაცი მყოფი წყლულებასა შინა და მეცნიერი თავს-დებად გუემულებასა** (ეს. 53:3), მან თავს-იდო ჩვენი ცოდვები და ნებაყოფლობით აღვიდა ჯვარზე.

მაგრამ შეეძლო განა სიკვდილს სიცოცხლის შემოქმედის დაჭერა? შეეძლო განა ჯოჯოხეთის გაუმადლარ უფსკრულს შთაენთქა ის, ვისი სიტყვითაც **ყოველივე შეიქმნა, და თვინიერ მისა არცა ერთი რაი იქმნა** (ინ. 1:3)? „ღვთის დიდება გამოჩნდა სამყაროში და გააცისკროვნა ქვესკნელი. სიკვდილი დაითრგუნა, ჯოჯოხეთის ბჭენი შეიმუსრა და ყველა ქმნილებას, რომლებიც მანამდე სიბნელეში იმყოფებოდნენ, ნათელი მოეფინა“, – აღტაცებით ღაღადებს ღირსი ეფრემ ასური სიკვდილზე მაცხოვრის გამარჯვებას („იესო – ნათელი სოფლისა“).

გაგონილა, რომ სიკვდილს თავისი ნადავლი დაებრუნებინოს? და თუ დაუბრუნებია, ისიც მხოლოდ დროებით, რათა შემდგომში კვლავ წაეყვანა იგი. მაგრამ **ქრისტე აღდგა მკუდრეთით, არღარა მოკუდეს, და სიკუდილი მის ზედა არღარა უფლებდეს** (რომ. 6:9)! და იქმნა რა **იგი დასაბამ შესუენებულთა**. (1 კორ. 15:20), ჩვენ ამ გზაზე წინ მიგვიძღვის: **პირველად ქრისტე და მერმე ქრისტესნი იგი მოსვლასა მას მისსა** (1 კორ. 15:23).

თავისი განკაცებით ღმერთმა განაახლა ადამიანური ბუნება და განკურნა იგი ცოდვის წყლულებისგან, და აღდგომის გზით კიდევ უფრო უკეთესი საძოვრებისკენ მივყავართ. ის ადამიანებს არა მხოლოდ დაკარგულს უბრუნებს, ანიჭებს რა მიტევებასა და თავისთან შერიგებას, არამედ შვილებადაც გვიღებს **იესუ ქრისტეს მიერ** (ეფეს. 1:5) – ღვთის შვილებადაც ნოდების უფლებას აძლევს ყველას, **რომელთა ჰრწამს სახელი მისი** (ინ. 1:12) და ღმერთებად ჰყოფს მადლით.

აყვავებული ბუნების საგაზაფხულო ფერისცვალებასთან ერთად კვლავ და კვლავ ვრცელდება მთელს მსოფლიოში საოცარი უწყება ცხონების შესახებ: **იესუს ეძიებთ ნაზარეველსა, ჯუარ-ცუმულსა; აღდგა, არა არს აქა**. (მარკ. 16:6). საფლავი ცარიელია! **აღდგა უფალი, ვითარცა**

თქუა (მთ. 28:6)!

ქრისტეს პასეი ჩვენი დიდი სიხარულის ამოუნურავი ნყაროა, იმ სიხარულის, რომელიც ღვთის კაცობრიობისადმი სიყვარულიდან მომდინარეობს, რომელიც ყოველგვარ გამოუთქმელ გაგებას აღემატება და რომლის მეშვეობითაც ჩვენთვის გამოვლინდა ხილული და უხილავი სიკეთეები. ამ თავგანწირული სიყვარულის უსაზღვრო ძალა იმდენად შორს ვრცელდება, რომ ამარცხებს ჯოჯოხეთს, ალებს სამოთხის კარს, ანიჭებს ადამიანებს მიტევებას და ჭეშმარიტ სულიერ თავისუფლებას.

მტკიცე არს, ვითარცა სიკვდილი, სიყვარული (ქებათა-ქება 8:6) – კონსტატირებდა სიბრძნით მდიდარი მეფე სოლომონი. მაგრამ ჩვენ, ქრისტეს მონაფენი, დარწმუნებით ვამონებთ, რომ სიყვარული სიკვდილზეც კი ძლიერია. ის დროსა და სივრცეს ლახავს, ცოდვისა და სიბნელის ძალებს ამსხვრევს. ყოვლადკეთილი უფალი სიყვარულის სასუფეველში გვიხმობს, მაგრამ ჩვენ ვერ შევალთ მასში, თუ საკუთარ გულში სიყვარული არ გვექნება. მაშ, მივუტევოთ ერთმანეთს, მოვიშოროთ ურთიერთ შეურაცხყოფისა და ნყენის ბორკილები, შევრიგდეთ და ჩავეხუტოთ ერთმანეთს. გავილოთ ნყალობა შეჭირვებულებზე და ვანუგემოთ მწუხარენი.

ქრისტეს მიერ განწმენდილნი და აღდგომის საოცარ ზეიმში შესულნი, ჩვენ ვცვლით ჩვენ გარშემო არსებულ სამყაროს აღდგომის უხრწნელი შუქით, შეგვყავს ის ცხონების სიხარულში, რომელსაც მთელი სამყარო ელოდება, ესწრაფვის რა **აზნაურებასა მას დიდებისა შვილთა ღმრთისათა** (რომ. 8:21). მაშინ

თვით ჩვენი ცხოვრება, უფალთან ერთობაში, ჭეშმარიტ ლიტურგიად იქცევა – ჭეშმარიტად კოსმიური მასშტაბის ლიტურგიად, რომელშიც თითოეულ ქმნილებას შეუძლია მადლობა აღუვლინოს და ქება

შეასხას შემოქმედს, და **შეჰლაღდოს: დიდება აღდგომასა შენსა, ქრისტე! დიდება**

სასუფეველსა შენსა! დიდება განგებასა შენსა, ხოლოო კაცთმოყვარეო!“ (იხ. აღდგომის ტროპარი, ხმა 1).

მსოფლიოში მრავალი სულიერი ძიებაა, მაგრამ მხოლოდ ერთია – **გზა, ჭეშმარიტება და ცხოვრება** (ინ. 14:6). მხოლოდ ერთია ცოდვასა და სიკვდილზე გამარჯვებული. მხოლოდ ერთია ზეცის განმლებელი. მისი სახელია იესო ქრისტე და **არავინაი არს სხვით ცხორებაი** (საქ. 4:12).

ყველას გულთბილად გილოცავთ აღდგომის დღესასწაულს, და კვლავ და კვლავ მოვმართავ თქვენკენ სიცოცხლის დამადასტურებელ და მარადიულად გამამხნეველ მოწმობას, რომ

ჭეშმარიტად აღდგა უფალი!

მოსკოვისა და სრულიად რუსეთის პატრიარქი

ქრისტეს აღდგომა

2026 წ.

წყარო: <https://mospat.ru/ge/news/94167/>